



秋澗先生大全文集卷第七十四

樂府

望海潮

卯歲端年賦此郊

龍沙王氣恒山秀色德星光動南州使君高宴北城
佳處薰風紅閃旗旒兩翼擁純貅駭鼉鳴疊鼓校倉
驚虬一點星飛畫柱得意過邊籌紹蟬元自兜餐
笑問問小子談笑封侯萬騎平原千艘漢水堂堂小
試青油賓從儘風流喜武同張肄書漫韓技樂事更
醕醉魂還夢菊花秋

二為故相雲
叟公壽

炬明珂馬戟森兵衛日長鈴閣春凝舜朝儀鳳傳巖
霖兩世傳昂宿儲精天地入經綸見東山高卧一念



蒼生談笑金華故事六合海波平 一杯福壽川增
請文人靜聽賤子微誠蘇嶺雲霞西溪梅竹風煙盡
出共城羽翼漢功成儘山中名在天外鴻真一黑台
星清光長射老人明

三編管子初

桐鄉遺愛于門陰積充閭氣自葱葱霜華封菊橙金
泛醪秋香吹蒲簾擁人物漢元龍喜升堂一拜今歲
相同洗盡金貂貴氣黃卷貯深功 見君雅量雍容
信男兒到此方是豪雄林下夫人膝前文度摩挲胡
玉雙峰福壽儘無窮看一家樂事五縣提封彩袖歌
鍾年年長醉玳筵紅

水調歌頭送王子初

將軍報書切高卧起 瑞蟠悲歡離合長事知己古為
難憶昔草廬人去鬱々風雲英氣千載到君還歌吹
展江底長鈇不須彈 路漫々天渺々興翩翩々西風
鴻鵠一舉橫絕碧雲端自笑鶴鶴孤影落日野煙原
上沙晚不勝寒後夜一相憶明月滿江干

二為仲方

野飲不稱意歸從紫游韉誰知草堂深處清賞興尤
長夢裏佳人錦瑟眼底瓦盆濁酒衣袖醉淋浪歌罷
竹軒晚風細月波涼 為東園梅與竹足清香不須
更栽桃李花底駐春光人道添源家世王謝風流未
遠培取桂枝芳讀書貧亦好此語試平章

三編王脩

樊川吾所愛老我莫能倚二年鞍馬淇上來往更風
流夢裏池塘春草却被鳴禽呼覺柳暗水邊樓浩蕩
故園思汶水日悠悠洛陽花梁苑月苦遲留半生
許與詞伯不負壯年游我亦布衣游子久欲觀光齊
魯羈紲在鷹鞞早晚西湖上同醉木蘭舟

四和趙明叔韻

西山捲殘雨天宇翠眉脩餘霞漸成綺散樓外月如
舟漾漾銀河垂地浩浩天風拂枕吹滿一簾秋覺我
清興遠歸夢到崑幽野猿驚山鳥笑欲何求十年
一官黃散了不到封侯自有竹林佳處滿酌窪樽貯
酒一醉共浮休夔契在廊廟畎畝不須憂

五次韻前

紉蘭綴芳佩遠駕振靈脩玉成事海無際泛若一輕
舟誰著朱衣白簡老坐癡床十日霜鷗漫橫秋落日
壯心在不負鬼神幽笑啣嗟驚駭駭竟何求丈夫
出處義在不用計行留萬事味來嚼蠟只有濟時一
念未肯死前休驅馬出東郭聊以散吾憂

六和姚雪齋韻

書史有真味誰遣博微官丈夫出處道在義命正須
安浩浩都門冠蓋眼冷雞蟲得失矯首入遊觀時對
雪齋老清議豁襟顏閱名書探理窟警銘盤自嘆
空然鼠腹過飲不知繁萬古乾坤清氣散入詩仙脾
膈揮洒有餘歡早晚付心訣風雨滿堂寒

七壽雪齋

高齋際晴雪萬象入遐觀文章在公餘事聞望到歐
韓千古微茫沫泗浩浩發源伊洛自折障狂瀾歌詠
武公志傲抑過銘盤濟時心調鼎手未容閑重看
印窠垂錦花底壓千官見說梅梢春信一夜蠟痕香
滿光動壽杯寬勲業鼎鑪上留待百年看

八壽王子壽時
年八十三

汾流浥餘潤霜菊滿秋香釀成一堂和氣來薦老人
觴七十人生稀有况復年踰八十飲啖日康強翫鱖
欲誰與趙壹倚門傍頰浮丹瞳點漆鬢如霜平生
陰有神相特為表剛腸世事語來無味只有讀書一
念老矣不能忘九老更添一圖畫見高堂

九壽時

佩蘭近佳節高第照神州西山致有爽氣天際翠眉
脩曠作碧霄清露暗滿庭前細菊香淡一簾秋春酒
未容瀉壽席已風流錡鳴玉看獨步鳳池頭薦賢
貢宰事業藥籠到兼收總道生平襟量一片丹衷為
國不負幙中籌齊斲時語持用壽君侯

十

文如提刑自陝西按察改授河東其子
東還寄聲不肖且微鄙作因贈樂府水
調歌頭以答雅意

一峰華不注東望雨冥冥黃雲盡角回首客舍又幽
并喜接西來佳耗聞道東山未老雙鬢為誰青經濟
有公論早莫嘆飄零杏花吟山色句儘祿停平生

風味不淺聊爾寫襟靈步冷東垣秋水坐對汾亭夜
月兩地若為情合作碧簫曲留待醉時聽

十一 宴張右丞
送初園

園林足佳勝鐘鼓樂時康去天尺五韋社此日漢金
張誰侶主人好客暫趨金華少暇樽俎共徜徉三館
儘莫雋簪履玉生光 眺東臺登北樹燕南堂露涼
玉簪零亂竹靜有深香醉聽新聲金縷愛仰東山雅
量清賞與何長高詠遂初賦松柏鬱蒼蒼

水龍吟 壽都督文侯時
為東平總管

漢壇千古風流笑談自是詩書將兩淮草木一門忠
孝先聲遠暢奕世金貂雄邊韜略三軍獨張道十年
漢水旌旗動色春都在技壹唱 一點德星迴照光

浮動太山千丈戟門春靜人安事簡提封保障漢相
規隨蓋公安靖平生心賞見壽毫不遠鳳池消息醉
仙家釀

二 賦蓮花
游崇

兩株雲錦翻空換根元有丹砂秘綉幃重繞銀缸高
照故家風味翠羽生紅霧紗肌玉風流誰比記沉香
亭暖貞妃半醉雲鬢亂耽春睡 夢裏昆明灰冷况
留在紅幢翠袂金盤葦屋無心與並朱門桃李一酸
傷春臨軒便恐絲鸞交陸情紫簫喚起霓裳舊曲拚
花前醉

三 送焦和之赴
西夏行省

當年紫禁煙花相逢恨不知音早秋風倦客一杯情

話為君傾倒回首燕山月明庭樹兩枝烏繞正情馳
魏闕空書怪事心膽隨傷殷浩禍福無端倚伏問
古今幾人明了滄浪漁父歸來驚笑靈均枯槁邂逅
淇南歲寒獨在故人襟袍恨黃塵障盡西山遠日送
斜陽鳥

四賦春雪

空齋寂寞春寒坐來庭竹風聲悄天低雲暖冰花誰
剪須臾雲擾好是東君與時呈瑞春迴枯槁快黃塵
壓盡千林膏沐休更問青山老我愛春來起早恍
芸憲光搖瓊島玉葦城郭炊煙巷陌酒旗風裏高興
悠然沽壚思與文園傾倒為使君預報春城燈火比
年時好

五飾齋

倚天拔漢臺高趙人有節騫騰便到煙霄上一時
殊遇風雲龍景元龍豪爽剛斷冰清風流却有東山
雅量道十年京洛棠陰遺愛人如醉春風釀一點
德星回照光輝動太行千丈戟門春靜人安事簡功
餘保障燕寢香凝不妨時在騷壇吟賞為使君預泛
鳳池春浪壽金華相

六

日邊儂景同翻千年高際風雲會堂大節中流砥
柱狂瀾橫制黃閣歸來英姿颯爽故家身魏甚是中
却有東山雅量經綸盡金華事總道丹心為國要
春滿人間桃李詩壇風月清時鐘鼓不妨遊戲一點

台星五雲縈繞鳳池佳氣為相君滿泛金盤仙露枕
秋蟾醉

七

已未春三月同采克濟河中流風雨大作幾覆者再感念疇昔為賦此詞且以經事之後重有所惜云

春流兩岸桃花驚濤極目吞天去孤舟纜解棹歌聲
沸漁舸掀舞雲影西來片帆吹飽滿空風雨悵淋漓
元氣江南圖畫煙霏盡汀洲樹天地此身逆旅笑
歸來滿衣塵土功名此子就中多少艱危辛苦北去
南來風波依舊行人爭渡聽滄浪一曲漁人歌罷對
夕陽暮

八

舜泉在濟南城中自壬子年水去來不常今歲秋八月余到官兩日泉流復出其深可厲回風瀟灑翠洋盈沼邦人為神來之兆近陪憲使展敬祠下因索鄙作謹繼丞相雙溪公懷古嚴韻用紀其異

窈然碧玉池方綠波不見還凝佇翠萍痕在金支光
澹湘妃無語瑤瑟聲沈盡欄愁絕幾回如許甚風煙
依約魚龍黯慘空回首珠簾暮一夕翠華臨幸也
悲涼故宮塵土石根碧漲天飄翻出黑灣雷雨思舜
亭高風漪吹散滿空秋暑欲蒼梧回叫鳳簫凄斷聽

躬耕處

九登邯鄲

春風趙國臺荒月明幾照苕華夢從亡橫破西山留
在翠鬟煙擁劔履三千平原池館誰家耕壟甚千年
事往野花雙塔依然是騷人詠 還憶張陳繼起信
侯王本來無種乾坤萬里中原自古幾多麟鳳一寸
囊錐初無銛頰也沾時用對殘缸影澹黃糧飯了聽
征車動

十

至元十七年三月廿二日余按部東行
梁門劉君仲祥自高林來餞臨歧把酒
長歌不休既而壺傾猶不忍別復照鑪

幾三十里踰大尹而去不知劉君得於
余者何而乃尔相愛因以水龍吟歌之
且疇雅厚仍答見徵之意云

綠楊一道飛花綉衣亂點如晴雪玉餅酒盞陽關歌
徹未容輕發綠綺論心幾人得似劉君風節記山堂
轟醉已成塵迹今又作東城別 世事悠悠誰料淡
長空孤鴻明滅老懷耿耿正須自信聖跡百折白髮
灰心平生留在情馳丹闕悵孤雲細草東州回望恨
高城隔

十一

纖苞淡貯幽香玲瓏軒瓊披陽麗仙根借暖定應不
待荆王翠被瀟灑輕盈玉容渾是金莖露氣甚西風

宛勝東園暮雨空
點綴貞妃淚
誰遣司花妙手又
一番爭奇
主異使君高卧竹亭閑
寂故來相慰燕几
螺屏一枝披拂
綉簾風細約洗粧快瀉玉甌芳酒挑
秋蟾醉

十二

至元二十三年丙戌孟冬廿八日小雪
十月中是日雪作連明霑地而釋潤於
春澤其應時顯瑞數年已來未之見也
實可為明時慶因作樂府水龍吟以紀
其和余平昔屢嘗賦此未免掇拾故事
張皇景氣而已茲篇之作頗體白戰抑
若懷略見揆忠之至賦以不忘之意也

畫樓十日春陰晚風吹作冰花轉
初冬中候應時呈
瑞幾年未見沽酒尋梅就中此與
撩人不淺更露堂
添得虛窗夜白清於水光如練
我老以諳世味最
忻然人安米賤蝗蝻入地麥旗掉
隴翠翻平甸大獵
清邊為民祈穀

睿思何遠在詞臣合取元和賀例拜
明光殿

十三

郭宣徽善甫開宴娛賓命樂工郭仲禮
鳴笳佐酒思甚清暢酒闌人散餘音嫋
嫋宛猶在耳且有衰年情嚮之感明日
品甫修撰為求樂府賦越調以歌之

春風綠綺堂深樽前初識龜年面煙花紫禁幾年供
奉香飄合殿悲壯淒清九天飛下鳳吟鶯轉待近前
細看品題銀字知還是紅牙管儘著金黃玉磬泛
宮聲五音初遍明簪四合回頭聽處少陵情愧綠酒
拋春何心傾倒汾陽金盃為斯人少漏玉堂消息瀉
清商怨

十四

丙戌八月十二日宴李氏宅郡侯扎忽
解酒酣為予親彈琵琶勸酒明日賦此
曲以謝

相逢一醉金荷氣豪長恨歡娛少貂蟬貴侍內家聲
伎琵琶最好鐵撥鷓絲劃然中有繁音急調笑黃雲
出塞青衫拭淚思怨事君休道且聽新聲硬株更
銀箏與相繚繞空堂雪輞玉盤珠迸清雄縹緲漢殿
承恩侯藩作牧此心未老付曲中細馮他年事業拜
紅雲島

十五

去歲秋至今年春九七月不雨有終風
徒曠而已生意殊悴然也逮二月九日
雨雖以小言隨安而釋三日方霽向來
焦枯一洗而潤且又在清明節前嘗念
一早所繫甚重詩云寄矣富人哀此惻
獨然衆也我乃能安不然雖泥者其
可能獨安乎此施旣光試可實也作越

調以歌之秋澗老人序

喜看春雨如膏東風吹作水花轉海棠紅瘦梨花香
澹似嫌春晚縱使寒生猶勝空際陌塵黃捲道佳人
拾翠王孫憶草都不負尋芳眼 欲見太平有象除
豐年更何可羨田家作苦老臣憂國眉頭俱展最好
知時清明前後一犁非淺笑樂天空抱元和詩律夢
金鸞殿一作與春衫為詞律
家新醴春香五面

十六賦筆

故家張樂娛賓樂中無似秦箏大革筵聽廣一揮銀
甲笙竽幽籟四座雄聲滿空秋雨來從天外芒脩然
思變白翎清調驚飛下金蓮塞 長憶桓伊手語撫
哀絃醉歌悲慨使君元有不凡風調平生豪邁錄酒

偷堂為余翻作八鸞 海道更張 正賴新聲陶寫繼
中書拜

十七送崔中丞赴上都

綠楊一道飛花繡衣亂點如晴雪都門幾日翠鸞回
軫情馳魏闕頃不忘君時雖多暇遠猶辰說道六條
儘備諸人多樣卒難應和鸞節 物勝自餘茅芥恐
都輸秀霜推折人無定志事隨雲變莫捫渠舌百步
穿揚空拳搏虎豈容重發均王君候早晚去登黃閣作
調元客

十八

飛卿係出將種余官燕趙時相識讀書
尚義若不碌碌者然流離頭挫迄于今

十年其窮極矣既為哀之且求其所以
然遂有斯作以越調水龍吟歌之庶幾
伯奇獲霜自傷窮思返義俾採詩者聞
之不無當答逐兒之感

彫零萬木叢中秋霜不墮蒼筠節十年相見燕南趙
北無根行客妻病兒殤歸來空在蒯緱彈缺分躬耕
墮山鵲起誰喚與將軍獵腰下鐵絲有箭柰荒
煙冷糴虎穴見哀漂母猶勝低首看人顏色百折弥
堅一窮終泰不容終結望伯奇細瀉獲霜幽怨洒西
風血

醉江月

東原
寒食

天涯寒食問東風底事留連行客千樹芳菲春不管

吹盡枝頭紅雪湖水春波佳人錦瑟腸斷非離索西
來一劍不堪塵滿霜鬢憑仗誰話春愁一罇濁酒
醉了還重酌盡日西歸歸未得怨殺山中猿鶴六印
雙旌兩都無分此去從吾樂太行佳處布衣高卧雲
壑

平陽府倅第有來禽兩株以托根官舍
有空谷幽君之嘆逮亞尹明卿來培植
顧護始知重惜今年清明前花盛開芳
姿綽約頗增容色俟置酒高會遂極歡
賞余因念草木之微豈輕重頭晦亦有
數存其間邪乃以醉江月歌之同飲者

忽治中英甫劉提舉老可時至元甲戌

春二月十有三日也

遺臺樹老獨盡開春事猶未消歇好在來禽花盛發
滿意清明時節翠袖翻香朱顏暈酒綽約冰肌紫幾
年空谷等閑飄墜香雪
回首綺閣東風使君情重
一顧傾城色只恐花飛春減却來約樽前歡伯起舞
山香醉歌金縷細按紅牙拍青鸞高興恍然歸步瑞
闕

三賦玉鴻鶴薰盪
贈數李劉文卿

客牕涼夕問故家何物能慰岑寂都把龍興二萬斛
滿貯宮池雜鴻玉立瓊洲雪翻花廳夢繞春江石看
雲失水林溜元氣猶濕
我昨拄杖敲門主人情重

預報春消息相對掀髯談笑間一縷飛雲搖曳暖透
天心冷穿月窟好箇行窩客金盤瀉露約君同醉秋
月

四為友人壽
中丞子初

樓遲林壑甚雍容雅量氣橫寥廓人道魁然真宰輔
心在朝家黃閣幾卷閑書一門清樂不羨千金橐諸
郎楚楚鳳毛輝映麟角
今歲錦席雲涼菊香添麝
竹樹煙霏薄風愛堂前秋氣好歌裏甘棠如昨十二
金釵百壺清酒細把紅螺酌年年此日醉看清獻龜
鶴

五賦雞
頭

紫荷盤若向波心澌澌鴻頭高啄滿啄明珠三百顆

一夕秋風吹落沙盤圓
盤涼夜楚江風味依約
今歲冷淡中秋空階雨濕
坐久寒生暮草草時新
聊應候兒女燈前歡噉
趁暖爭拈分明聞啣翠
肩紛如削老夫傍看苦
吟思與韓較鱗頭昌黎聯句云

六福建官
合福言懷

散材無用空擁腫豈是入時花
綠白髮蒼顏官舍底日把早衙來
放主治官書隱憂民瘼擬愜澄
清空簡草霜在顧余閑甚得喪
藕絲能繫

况黍為司長後擁前呵非不欲
夢寐山林長往不憶尊鱸不懷
松桂祇為身多恙諸公垂顧免
教憔悴煙瘴

滿江紅
為大丞相壽

柱石中朝還不減汾陽
勲考人盡道今年相府南衙
春早肘後不知金印大書
中漸覺群疑少問南枝消
息幾多春調羹了寶竇暖
香雲裊晴雪霽西山曉
見一星朝出五雲縈繞
漢日舒長鈴閣靜雅歌聲入
江淮渺願神尖長對壽眉
青應難老

二

至元十七年十一月十四日夜夢丞相
忠武史公坐甲第西閣中余侍立其傍
歛急報至云有敵犯府城西百公佩橐
鞬集將領將出余握玉魚一雙踣請從
行公曰不遲不遲因朗誦一樂府意甚

欣暇曰此徒單侍講詞也既覺但記其
日月風雲滿洒六字五夜枕上因足成
之覺思來甚易錄之以驗他日之祥云
雷動雲橫驚鷗鷺北城西下人共駭赤丸夜語電光
飛射將領未承諾暮令秦韃已在汾陽跨笑書生思
握玉鱗符從公駕 鈴索靜雲麾亞追往事何多暇
道一篇樂府翰林情話日月低回黃閣夢風雲慘淡
凌煙畫儘花邊高塚卧麒麟終蒲洒

三

德元來辭求贈言為深且及河防利害
又聞介甫提刑捍禦衛災有功用毅卿
嚴韻聊助行色兼簡德裕彦隆二良直

冠劍梁園又去作庀眉書客休自嘆功名幾許一家
風雪春色似嫌鶯燕老秋霜歷試松筠節愛趙生游
刃簿書間昆刀鐵 都會地繁華歇形勝在猶堪說
更諸君表裏玉輝冰潔水陸若論都漕計夷門忍使
黃流折好相須着力障狂瀾休傷別

四

復用前韻有懷西溪梁園之游

書劍梁園憶曾是青驄游客宮苑廢三山依約綠雲
紅雪好在西溪王老子留連醉盡花時節記樽前金
縷唱新聲忘筇鐵 襟韻合曾衰歇消客氣歡情說
儘暮年心事風霜孤縈一片黃流翻晚照回驚吳楚
東南折偶追思往事嘆餘生長年別

五

不肖目疾中承都運趙侯天章漕副相
過自惟衰朽何以得此昨晚又以樂府
見示疾讀數過不覺有起予之嘆復尋
前盟略疇二公雅意

風月溪堂也魯是東州行客長記得相逢一笑羈愁
都雪又對青山談世事老懷未減元龍節恨霜蹄蹴
踏短轅間論益鐵官裏事何曾歇公等志吾能說
儘縱橫鞭筭玉壺冰潔爛醉春風能幾度桃花未了
楊花拆甚一城相望半年過長如別

六

廿一年二月初四日午夜枕上復繼前

韻書夢中所見

秣馬膏車又去作天涯羈客明見得水雲深處萬花
如雪綠暗江城多洞府紅燒燭影翻雙節被曉風吹
散枕中春簷間鐵塵世事無窮歇吾最愛滄浪說
恐靈均澤畔祗成孤縈心事比量無少惡前途何必
論龜折儻祥金陶鑄遇良工從區別

七

至元廿一年歲次甲申二月廿八日深
口離筵送殷卿同寮西還鎮陽

一柱華峰綠翠似芙蓉金削宰負却盡知春水一尊
同酌寒食清明都幾日征鞍遽作西歸客漫春風播
燕語留人高城隔春草碧楊花白粧點就行軒色

道不應霜翻能舒長策三尺青萍風義在君冠蓋
長安陌對夕陽淡處最關情河梁別

八轉廉平

柱石中朝人道是漢家真相試看取馮地高步珮聲
清響世祖功臣三十六策勲合在雲臺上欲暫分霖
雨霽秦川從時望
睿思遠誰能亮空健倒驪駒唱
撫一方何似際天負亮肘後不知金印重玉堂正要
吾軍張向五雲深處望三台光千丈

鳳凰臺

憶吹簫

為張孝先紫簫賦
係上金宮中物

宮樹春空御幃香冷誰遺金盃人閒變一枝紫玉雙
鳳聲蟠秋月春花客思把幽情都付柳傳鶯吹處
翻天吹鶴怨空山
風流貴家公子記夢裏
樓

跡蒼鷺恍露凝銀浦霜裂琅玕不見雲間弄玉餘音
散亦壁江寒秦臺曉碧雲零亂瑤天

二張喬媼

碧鳳翹寒玉霄宮晚雲牕誤讀黃庭恨凌波羅襪洛
浦塵生往事風流雲散但翠衾冷落餘馨人何在淡
粧縞快幽樹柴荆
相逢一樽芳酒對夜色疎星歌
裊雲傳記水南佳麗姚魏池亭夢繞芙蓉城關歸馭
穩巖嶺風清挑花晚等閑沐負瑤英

秋澗先生大全文集卷七十五

樂府

木蘭花慢

憲陵臺畔客笑幾度送人行對一道青山兩行官柳
去住人情蒼生望初不繫問此身何用絆虛名宦味
真成盡餅隱居却伴侯鯖■十年慚愧草堂靈自分
苦飄零甚一片閑雲幾迴歸夢野釣林耕浮沉待從
里社覺儻來軒冕總堪驚寄謝竹林舊友且休筆削
寒盟

二

送史誠明總管還洛陽春日飲餞任氏
園亭時紅梅爛開

愛春光淡沲歌吹暖竹西草正花簇金鞍香雪樹
碧酒同傾誰將翠帷双捲擁紅粧臨水照娉婷縹緲
凌波仙子依倚羅襪塵生使君高興動青冥心事
怯流鶯對如畫江山一時豪傑湖海交情自憐人華
如此且相逢一笑惜飄零明日河陽客舍春風柳色
青青

三

嘆西山歸客又愁裏過清明記舊燕巢傾朝堂人去
往事堪驚行藏固非人力頌塵纓終愧草堂靈潘岳
無閑可賦淵明何地堪耕漢家一論到書生六合
空澄濟甚樓上元龍山中宰相何止虛名當年卧龍
心事儘羽毛千占見青冥憔悴中堂故吏醉來老淚

縱橫

四

河內人焦其氏者作樂器僅容一握張
以二絃隱彈袖間因雙鳴起舞周旋跼
躡曲盡音節昔人未之見也座間承待
制翰學命不肖以樂府木蘭花慢歌之
因狀其名曰鳴鳳雙棲曲

愛雙鳴棲鳳起舞袖共娉娉恨疊鼓凝笳繁絃急管
悲壯何多金泥小檀花面儘婁清翻盡雪兒歌幄歛
悄聞私語銅龍冷簌秋波明粧高燭洗金荷心賞
重經過聽一曲留連珠簾書棟幾度斜河紅雲島仙
音部說新聲得意掩雲和看取長安日近春風搖蕩

鳴珂

至元七年京師除夜燈下與兒子孺讀
文正范公行已且憶馬賓王來事可為
之語因感而賦此以見其志云

淡中庭暝色初遣奠夜寒淒對草草杯盤昏昏燈火
客裏京師比量舊年心事笑蹉跎書劍向來非誰著
朱衣白簡春風三拜龍墀 山妻稚子竟何為溫飽
汝嘻嘻悵故國立山蒼煙喬木鄉月空輝癸心要須
傾日道等閑休遣鏡鸞知自信蒼顏如鐵不堪雙鬢
如絲

六

奉送節使賢侯分帥譙軍兼簡仲季諸
鄉為一蒙也且寄聲子初知府

壯東南一粒分間寄事非輕見雨露恩綸河山帶礪
勳府元盟依依汴堤楊柳甚一朝光彩動旗旌曉日
千梁浮竦春風百雉嚴城 臨軒鞞鼓正凝情忠孝
舊家聲看奕世功名麒麟高閣宛轉丹青綠波北潭
花影又一年春好是清明彩袖一杯壽了望中三楚
雲平

七 十三年平陽秋
滿清明日賦

老西山倦客喜今歲是歸年笑鏡裏衰容吟邊華髮
薄宦留連功名事元有分且著鞭休羨祖生先望重
芙蓉大府夢餘禪榻茶煙 恨無明略卧林泉平子

太拘牽儘俛首駘駒寸心能了猶勝歸田前途事如
抹漆又向誰重理伯牙絃自是一生心苦非關六印
腰懸

八望郎奉

洒西風老淚又馬上望郎山對紅露秋香芙蓉城闕
依舊雄藩碧雲故人何在憶扶搖九萬看鵬搏賦就
鳳凰樓晚星沉鸚鵡洲寒 一丘宿草鎖蒼煙零落
復何言似燕許才名風雲會自古天慳皇皇使華
南下愛丹衷擬締兩朝歡恨殺奸回秋壑月明愁滿
江干

九

憲臺諸公九日登高韓望遠風臺待御

繼先首唱樂府諸公賡和以紀雅集之
盛余時移病在告既而君美御史以嚴
韻見徵勉為續貂云

遠風臺上客說雅集玉生光縱樽俎無情登臨佳節
此興能忘龍山會君莫羨愛綠蘿影裏到山莊驄馬
長安清貴留連春草池塘 淵明翫驥倚門傍多病
對秋香悵歲晚田荒幾多稂莠蕤蕤登場人間事如
意少且同來一笑共匡牀寄謝牛山公子何須揮涕
殘陽

十壽史
中丞

相門佳公子都忘却貴人驕有萬石忠勤伯魚詩禮
才氣飄飄風流謝家三樹說妙齡英譽冠

東朝桂殿親承弓研芳冠高映金貂
兩臺清議聳風標
春見恩饒要寶瑟朱絃羹梅伊鼎試手更調
鳳凰池還浴鳳看羽毛奕世動雲霄鄭重歲寒貞節
青松千尺難凋

十一

再和何侍御前府韻前章所謂變風終
章止乎禮義而已

六合一家統依日月到重光道太岱封書雲龍接踵
此意難忘西園萬花綉錯好枕中蝶化似蒙莊歛翅
深棲金粉貪芳更度銀塘
一生白眼貴人傍贏得
姓名香幾戲影棚邊隨人鼓笛賀老當場雖可笑猶
有用似也勝陳許怒爭牀靜想行藏有命且休眼熟

王陽

十二
矯人總壽

靄長筵拜慶似眉壽幾人同更綠髮垂肩方臆烟漆
五福尊崇風流大家儀範甚能移子孝作臣忠獵
征東漢旆堂南下殊功
一江春浪醉醒中都塔
入歌鐘看和氣怡聲承顏起舞袖錦翻紅雲間發光
分彩儘瀟然林下謝家風笑擁滿庭蘭玉年々樂事
無窮

十三
花芙蓉

聽夜來微雨其一霎過東塢愛活色生香芙蓉標格
暖貯春光瓏鬆寶團瓊綴笑海棠能睡更無香爛熳
宋郎心眼風流時世新粧
少年走馬杏花崗勾惹

興偏長記誇酒青旗樹頭招颺喚客初嘗別來吳姬
粉面比攜年風韻轉芬芳似覺生紅開意未容說與
東皇

十四

至元十七年上巳日同西溪公飲鎮陽

城南高氏勝遊園歸賦此詞

問城南花柳最好處勝遊鄉對湖水微茫瑤翻碧瀲
修襖浮觴比量今春樂事憶去年書劍共遊梁曉日
繁臺古寺春風碧草宮墻人生離別是尋常兩歲
喜徜徉更金縷新聲佳人錦瑟踏遍春陽多君歲寒
心在似西溪松柏鬱蒼々記得醉時笑語夢回枕上
猶香

吟

十一 壽王子初

六合澄清到一家顛顛文物望中華未容詩禮養蘭
芽松栢後凋元有待珪璋涵潤本無殺誥恩行墮五
雲花

十二

王中丞許贈新香不至書此以催之

珍品無多百和濃露沾娑律濕蘭叢喜分新供到南
豐螺甲未融金雀餅芳菲已夢碧湘宮寶鏡先障綉
簾風

十三

六月初三日與學官高伯祥夜話於魏

府之清潤堂

露榻風簾燭影搖故人留話慰蕭條徘徊花月可憐
宵天淡有雲空漠漠月明無雨更悄悄洞天歸路踏
瓊瑤

十四

送劉仲元赴平定州親迎

青鳥西傳燕尔期乘龍喜氣見脩眉芳襟濃似去年
時禁鬻肉名香天賜重玉臺春暖鏡鸞為樓人生樂處是
新知

十五

賦筆

朋盍華簪醉未醒主人張樂見厭厭一聲銀甲裂霜
鱗潤水咽冰翻龍怨將軍出塞憶蒙恬碧桃花底王

十八

賦白蓮和王西溪和

愛玉華仙供偶移影下瑤池悵野渚蒼煙結根非所
繁艷爭欺風清月寒半墜道無情有恨欲誰知羅襪
凌波微步淡香高韻幽姿風煙回首夢共溪采采
盡船歸趁粉露和香秋光細釀瓊液淋漓招呼謫仙
共飲記兩舷脚踏醉吳姬一曲清吟未了翠盤狼藉
珠璣

十九

武邑縣王楫善居室母姐氏出隆平富
家今年八十有九慈祥康健精彩如五
六十七人教授馬君向余說如此因紹介
拜求余文將為母氏百世之光予方以

善俗任責揖之孝養致樂實有關於風
化者故你是辭以付俾來者庶有所勸
焉

爛雲衢彩發和曉月滿庭闈正梅粉香飄林梢紫動
淑景初逢觀津盛傳王氏道孝心重見老萊衣和氣
一家瑞靄慈顏九十柔儀 香燒靜院趁朝暉未省
杖扶持縱德厚流長遐齡能健此事應稀娉娉綠萱
堂皆愛一竿蒼竹六孫枝照映西山秀色年年翠點
修眉

二十 賦 醉

愛虛團嬌小開較晚儘春融似麝染沉熏檀輕粉薄
費盡春工綠陰小庭晴盡放綉簾輕度竹梢風待着

一天香韻醉吟留伴詩翁 洗粧不用露華濃玉樹
濕青葱欲細挽柔條重圍錦屋不放春空春殘未應
多恨道典刑猶在酒杯中何似留芳馨枕夜深歸夢
瑤宮

廿一 壽 崔子交

際河山兩界道此地丁亥衝纔北渚離筵南亭奔逐
終歲倥偬風流故家從事暫淹留道幕簿書叢更辦
錦箋詩句筆端暈碧裁紅 今朝壽席且從容賓客
喜相同就雪蟻浮香眉毫寄彩莫放杯空人生正須
適意儘冰梢蠟帶未冲融海曲尚存清愛稼齊自有
春風

廿二 壽 王 煇

浩魚龍灤海曾同醉鳳凰樓記獵較河南並持英蕩
千里長遊風流故家人物愛賦詩鞍馬氣橫秋落日
隆中懷古薰風洛水浮舟重逢春色入東州小試
統清流看坐嘯江淮風連臺閣各動金甌經綸半生
心事細推量合在百花頭此日清香畫戟不應談笑
封侯

廿三 鷓鴣 張詹

嗟承 華簷尹明略更雄襟甚瀟灑浩吟半生夢寐
銅鞮秋黍莫論量歸計早恐未容其扁遂初心共道
東山絲竹風雲兩袖商霖春坊桃李滿清陰氣幹
鬱千尋看它日明堂圓叔偃植棟宇旌沉家近上林
春早覺桂香浮酒動華簪滿酌一杯色壽魯連不用

千金

廿四

壯嶢嶢鐵峽誰設險虜蒼岑擁萬里風煙一拴橫鎖
形勝雄沉漢王陽憶當年叱馭走駸駸半夜郵亭索
酒平明燕市長吟追思往事不堪尋山色古猶今
甚三十年來青雲垂翅素髮翮簪投閑却交應聘笑
委身從事老難任立遍西風殘照山光翠蒲疎林

廿五

伏聞

鑿軔近在山北以疾不能前迂愚衷有不能已
者作樂府木蘭花慢以見葵藿傾嚮之
萬一云

悵居庸北口愛蒼靄擁千岑澹秋滿陪京

翠華南狩萬騎駸駸從千官望清塵齊拜聽車音日
月中天統在風雲龍虎臺深 馬遷留滯卧周南戀
闕破丹心恨伏枕悠悠情閱藥裹夢共秋衾豈知金
鑣野鹿恐暮年分薄是長林却爲有恩未報許身愧
吐南金

望月樓羅門引

舜舉宋 由幕官也與予一見有忘年

之歡既而告別東遊賦此爲

星也落落當年旌旆擁雍丘西風騰踏清秋回首
雲盡角吹斷夕陽樓且杯傾竹葉歌夏長鈞 功名
浪求狂弊盡黑貂裘重恨人生無定長負歡遊燕鴻

南去悵秋水秋煙總是愁江浦晚穩宿汀洲

二

小牕人靜梅枝香細月華明博山一縷雲蒸好个臞
仙風骨詩思苦憑陵有閑書遮眼欹枕松聲 素無
宦情較得失一毫輕自歎高歌白雪寡和誰聽蕭然
巾卷見芝宇光浮壽頰生春酒綠何礙頻頷

三

燕城元夕有感且憶去歲汴梁行樂

去年元夕飄零書劍大梁城春風九市花燈尚憶東
樓行樂談笑故入情對一樽芳酒滿意歌聲 今年
可能人與境兩於嬾寂寞黃昏陌巷戍鼓嘶人行梅
花歸夢正一笑柴門稚子迎庭樹鵲何苦頻驚

四 春雪後

太行晴霽孤墉高處揖清寒雲間萬鬢千鬢底事春
風面目一變玉嶺崢嶸淡夕陽平遠野鳥飛還 青雲
莫攀吾高興在東山偃蹇孤松丘壑不礙春慳背陰
桃李正藉得春光亦強顏長劍缺且莫輕彈

五 中秋夜

柳邊層樹倚闌人共月孤高亂雲脫壞崩濤一片廣
寒宮殿桂影數秋毫儘掀髯老子露濕官袍 又生
此朝能幾度可憐宵况對清樽皓齒舞袖纖腰曾空
如洗拚一醉河傾轉斗杓今夕樂歸

六

昨者觀唐津舟車之盛通濟南北實為

燕南一咽會也第吾輩居此有抱琴
門之嘆以婆羅門歌之

河山清眺風煙兩戒見殷都唐津浩浩舟車一水東
浮滄海寶帶束燕吳更中州雄跨奇貨堪居 平生
壯圖笑到此反區區正似齊門抱瑟不解吹竽視吾
耿耿道玉佩或能利走趨如不尔歸老樵漁

七 為解頰

愁懷索寞悠悠心事野鷗邊幾回崔九堂前照眼故
家風調人物尚依然按清商一曲傾動華筵 新聲
巧翻道且莫詫真元愛煞珠繩銀管滿意清圓風花
無夢待回施春光與少年杜陵老瘦斷隣缸

春從天上來

承御韓氏者。祖母之妹也。姿淑婉善。書年十一。選入宮。既笄。爲承御事。金宣宗天興二帝歷十有九年。正大末。以放出宮。明年壬辰。駕輅東巡。又明年國亡。於蔡歸。遂適石抹子昭。相與流寓許昌者餘十年。大元至元三年。弟澍爲汲令。自許迎致淇上者。累月一日。酒間談及宮掖故事。感念疇昔。如隔一世。而夢鈞天也。不覺泣下。予亦爲之歎歎也。今將南歸。贅兒子醜於許。既老且貧。靡所休息。而抱秋娘長歸金陵之感。迺爲賦此。庶幾憶瀟哀怨。洗二國之愁顏也。且使

好事者倚其聲而歌之。不必覩遺臺而興嗟。過故都而動黍離之歎也。歲丙寅秋九月重陽后二日翰林修撰正憚引羅綺深宮記紫袖雙垂當日昭容錦封香重彤管春融帝座一點雲紅正臺門事簡更捷奏清晝相同聽鈞天侍瀛池內宴長樂歌鐘。回頭五雲雙闕。恍天上繁華玉殿珠櫳白髮歸來昆明灰冷十年一夢無蹤。瀉杜娘哀怨和淚把彈興孤鴻淡長空看五陵何似無樹秋風

摸魚子

賦白蓮至元廿二年乙酉九月重九后三日雨中作

澹亭亭影搖溪水芳心知為誰吐正華寶供年年事
消得一天清露私自語君不見仙家玉井無今古淡
粧誰妬儘千頃昆明紅幢翠蓋雲錦爛秋浦瓊綃
襪自有凌波故步賞心莫遣進暮風清月冷無人見
零亂碧煙脩渚聞好去待醉絕秋香不羨風標鷺遠
遊重賦擬太一真仙共浮滄海一葉任掀舉

二

送雷彦正西還時授恩州倅

望都門滿山晴雪忽忽君又西去當時漢將征西幕
氣壓瘴江烟雨還自許儘虎穴椎探萬里班超舉燕
臺拜遇甚牢落高情霜風偃薄似厭貂裘土絃歌
事正尔邯鄲故步功名從此軒翥一麾回首甘陵樹

千室正歌來暮須記取拊摩外催科未礙陽城古征
鞍莫駐趁渭北春天升堂拜慰捧檄為親舞

奪錦標

君卿宣慰來別索鄙作贖行賦樂府奪
錦標為贈庶酒酣相憶倚聲歌之六朝
老樹不無動色也

六郡雄藩會稽旁帶兩浙風煙如昔碧草莫傷春浦
冠蓋東南幾多行客正新亭父老望雲霓苦思休息
道朝家雨露同春問甚江南江北賀監歸舟逸興
何似雙旌儘慰元郎行色鏡水綠通朱閣威暢恩宣
海波春寂笑東山老去此心初非泉石約海樓翡翠
同遊醉裏山陰陳迹

喜遷鶯

初陽官舍
早春聞鶯

五更殘夢聽綠牕鶯語羅衾香擁百轉多情嬌啼無
淚枕上一聲時送真成翠髮雙筓當戶玉琴初弄欲
誰共赴風和求友喬林煙菊春動花氣重暗度垂
揚暖入醪醑洞倦客芳悰佳人幽思愁滿彩牋金鳳
自怜比來心事兩翅果誰搏控聽指縱望高城落日
黃塵飛控

二題
聖姑廟

仙姓郝氏博陵縣會渦里人里去滄水
甚邇水多蘋蘩蘭茝仙年方笄姿態殊
麗嘗同女郎輩採蘋溪中樂而忘返一
日歛蒼煙威起白晝異色龍淵鮫室金

支光爛飄飄然有波神沂流而上衆姝
驚散仙獨留不去遙見與神顧語乘碧
茵同逝俄煙開日晶遂失所在其母哀
求水濱願言一見良父覺異香襲人仙
霧鬢風馭隱約於波渚間若有以謝曰
兒以靈契託跡綃宮陰主是水塵緣已
斷毋庸悲悵今而後使鄉梓田蚕歲宜
有感而通乃為吾驗時魏青龍二年也
後人相與館仙於博陵城臺制甚宏麗
縣教諭李曜告余如此今燕趙間冷甕
日香火趨祀者所至風動以孝感聖姑
稱云至元庚辰夏四月按部至縣喜其

事甚異為民禱蚕祠下以仙呂命曲庶
為迎送神俾邦人歲時歌以祀焉

汀洲蘋滿記翠籠采采相將隣媛蒼渚煙生金支光
爛人在霧綃鮫館小鬟頓成雲散羅襪凌波不見翠
鸞遠但清溪如鏡野花留壓情曉驚變現身後神
功綠滿吳蠶蠶漢女菱歌湘妃瑤瑟春動倚雲層殿
彤車載花一色醉盡碧桃清蕪故山晚噴流年一笑
人間飛電

三

已丑秋八月廿六日雨中飲賈方叔家
樂籍劉氏歌以侑觴最實欣然為之賞
音劉因求樂府於予遂賦此且道坐客

醉語

秋懷誰寫聽一聲金縷同傾芳酒嬌轉林鶯圓繫珠
串春在碧羅雲袖宮中磬箏齊發字外五音何瀏坐
間友道江南風月此聲無有回首傷離久三疊陽
關不到青柳得意石州片帆雲影翻動海山明秀
風流故家未減自咲杜陵衰叟再相違卷中人正好
崔徽消瘦

感皇恩

贈李士觀諱儀霸州人予廿時鹿庵先
生門同舍郎也性端方嘗為刑司經歷
官好學不倦與人交有終始

回首竹林遊山陰陳迹洒落襟期記疇昔論文把酒

醉盡清泉白石幾年江海上空相憶
邂逅淇南羈愁
都釋兩鬢伶君更如漆幽懷重叙不待小槽紅滴新
詩隨咳唾驪珠濕

二

贈元舜舉嘗爲宋文卿屯田官以善歌
聞天下祁州人與叅政揚西庵爲通家
今夕是何年故人相遇快著銀杯瀉春露高陽舊友
要聽一聲金縷行雲留不去驚如許
鳳喙微吟珠
繩低度夜半銀燭恍私語庭花零亂掩盡六朝瓊樹
明朝南浦道傷平楚

三

題沙河南封鎮
壁留別元舜舉

濃綠漲千林征鞍東去十日祁陽爲君住幾回清唱
飛盡海棠紅雨人生當適意何良苦
簿領公堂風
沙長路羸得佳人怨遲暮沙頭酒盡猶惜玉鞭輕舉
一聲不斷歌金縷

四

瘖下晉州臥病中謝故人相訪
暴下晉州城茫然心曲卧對風軒數竿竹暑光不受
似我腰圍東病機還自恃非寒燠
力仕難任居閑
不足風雨憂愁更相促星
鬢影中有利名千斛省
來都外物真蠻觸

五

史公總帥子明命題其弟柔明所寫平
江捕魚圖乃以樂府感皇恩歌之古人

稱文章與畫同一閔紐所媿辭意恐不稱於畫也

疊嶂際清江楓林輝映潮落波平鏡光靜六朝興廢都付漁郎煙艇蓴鱸香正羨秋風冷
茄鼓歸來風雲增勝夢裏無煩想幽景風流公子寫出五湖高興畫中還領取江山影

六

至元十七年八月八日為通議西溪兄壽三十年前西溪授館蘇門趙侯南衙予始相識時初夏桐陰蒲庭故有南衙清畫之句

少日竹林遊鳳麟飛走一段江山最英秀南衙傾蓋

蒲院桐陰清書鬢華思此際渾依舊雲夢心曾又章山斗好介經綸玉堂手娑娑挂影涼入露繁仙酌一杯先領取喬松壽

七

昔向長年老教斷家事無令子孫閑白時人高之今總帥公以鴻名茂績照映一世未老得請於朝亦慕子平為人盡以內務付之諸郎其賢於人遠甚其喜聞而樂道之為賦此以歌其盛德云

節序四時間功成還退此事君侯與心會幽亭高卧眼冷畫堂金翠越粧都付與諸郎
虎帳籌邊錦鞞歌凱慘淡風雲夢江海大昭掛壁小隱一枝松蓋

清閑人道勝中書拜

八

送子初中丞赴燕時予在真定憲司坐

問作勸子初酒

燈火夜闌珊故人相對忘盡南牕引書睡情談豐豐
時帶少年風味門前霜月炯停吟變湖海相望金
闌交契白髮中年能幾會明朝趙北又是搖搖風旆
一杯還到手休辭醉

九

夏日同延陵君過簽事順之心遠堂以

感皇恩歌之

書葉散芸香牙籤無數案上藜羹當膏乳地偏心遠

日與聖賢晤語市聲飛不到橫披處一炷龍涎蒲
歐春露旋掃幽軒約賓佳清談有味總是故家風度
子雲亭力好龍津路

十 廣平道中寄
總管齊端甫

風雨暗公堂故人晤對邂逅燕城又三載偶因官事
喜向廣平重會照人光彩好心期在萬里功名半
生湖海十五年間鬢質顏改笑談尊俎比老幾回傾蓋
秋風橫瀑上期相待

十一

癸未重午日治頭回纒得感皇恩一闕
他時倚聲歌之不能無相憶之情也示
秀才鄭彥通

流水小橋橫
沿頭沙路一道清
陰轉林塢蒲襟涼
潤猶是夜來新
雨幽禽快客至
如晤語坐蔭辛夷
開揮吟塵澤畔
行歌恐良苦
人生適意正
要時情客與
却忤身處世
初無補

十二

乙酉歲八月九日晚積雨開霽碧空如
洗月色入戶似與幽人約者遂披衣步
月於庭中久之覺風露凜然恍疑去青
冥無幾也因以感皇恩歌之且寓幽懷
之梗槩云

佳節近中秋
秋霖晴快飛淨殘雲
碧空大金波
穆穆掩盡玉繩
光彩坐來風露
冷青冥外世運
難前儒

冠何賴四壁相如
到沽賣紛紛過
眼多少時情物態
杳然清夢去
桴滄海

十三與客讀辛殿撰祭詩全集

幽思耿秋堂
芸香風度客至忘
言孰賓主一篇雅
唱似與朱絃細語
恍疑南澗坐揮談
塵霽月光風竹
君梅侶中有新亭
淚如雨力扶王略
志在中原一舉
丈夫心事了
驚千古

十四贈仲明

把酒愛髯鄉
故家風度不為臨
江老能賦飽諧世
事成敗見來無數
歲月如流睽離良
苦

更著佳人怨
遲暮羈愁頓解一
笑團圓兒女慙
勳君記取周郎語

十五登樓即事

斜日倚高樓亂峯圍繞山色湖光翠如掃天涯倦客
目斷野煙高鳥老境駸駸憂心悄悄也待癡頑事須
了故園三徑已是菊荒松老諸君應有語歸來好

十六

辛卯年秋八月與周宰遊王氏祠堂

日日午餐餘即須幽討拄杖長行覓周老三杯兩
不致玉山傾倒與君何處去乾岡好松影鬧庭長
吟藉草白髮多來故人少春山何在兩樹寒梅枯槁
一聲鄰笛起催歸早

十七

史總管誠明伯還涑川老懷凄然有不

能已者賦感皇恩歌以送之

十里走微車笑余游宦老馬為駒望英盼客懷相慰
特對凌煙生面浩歌雖慷慨南山粲公子翩翩沉
酣纏傳不是當年閉門行揚花歸路肯逐東風流轉
且遮西日去長安遠

十八壽表弟
韓雲卿

臨事羨君材笑余拙宦待詔雲龍更英盼夢回孤枕
依舊新豐旅爨明時無寸補空留戀綠泛蓮波望
高霄漢洒洒元康濟時彥諸公延譽莫為驥淹臺院
百年安健裏千千算

十九壽左司吳君
章母夫人

曉色靜簾櫳發光千丈香滿含真泛春釀洛花呈瑞

照眼一枝先放要將金屑粉粧仙仗
月榭焚香松陰扶杖好箇人間壽星樣爛斑舞袖輝映鳳池春浪
年年稱慶日長無恙
三月十二日特庭下有牡
丹兩關內一花獨先開

二十壽董野莊

健羨玉堂仙中朝元老過眼浮華任紛擾百年心事
愛煞野莊春好南枝誰道是調羹了
風月吟懷冰霜節操千尺青松儘難槁春宮調護好箇當年商皓
日邊消息近中書考

秋澗先生大全文集卷第七十五

